



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დანელია გიორგი სერგის ძე



გ. დანელია

დანელია გიორგი სერგის ძე (25. IV. 1923, თბილისი, - იანვარი, 2013, იქვე), პათოლოგანატომი. სამეანო-გინეკოლოგიური მორფოლოგიის და პერინატალური პათოლოგიის ერთ-ერთი ფუძემდებელი საქართველოში. მედ. მეცნ. დოქტორი (1974), პროფესორი (1978), საქართვე. მეცნ. დამს. მოღვაწე (1990).

1946 დაამთავრა თბილ. სამედ. ინ-ტი და ჩაირიცხა ასპირანტურაში. 1947-იდან მუშაობს კ. ჩაჩავას სახ. პერინატალური მედიცინის და მეანობა-გინეკოლოგიის სამეცნ.-კვლ. ინ-ტში, სადაც 1950-იდან განაგებს პათომორფოლოგიის განყ-ბას. იმავდროულად 1969-90 ხელმძღვანელობდა ქ. თბილისის ცენტრ.

პათომორფოლოგიის ლაბორატორიას.

1970-85 საქართვე. ჯანდაცვის სამინისტროს მთ. სპეციალისტია (ნეონატოლოგ-პათოანატომი). შეისწავლის ნაყოფისა და ახალშობილის ცენტრ. ნერვული სისტემისა და ფილტვების პათოლოგიას, ქალის ჰორმონულ პათოლოგიასა და ორსულთა სიკვდილის მიზეზებს.

1962-88 გამოქვეყნებულ ნაშრომთა ციკლისათვის - „თრომბოპემორაგიული სინდრომის თეორიის შექმნა, აღნიშნული სინდრომის პროფილაქტიკა, დიაგნოსტიკისა და

მკურნალობის მეთოდების შემუშავება და მათი კლინიკურ პრაქტიკაში დანერგვა" მიენიჭა საქართვე. სახელმწ. პრემია (1990).

დაჯილდოებულია ღირსების ორდენით (2000).

თბზ.: Некоторые количественные морфологические характеристики структурных перестроек в органах плодов и новорожденных, Сборник материалов симпозиума морфологического и математического моделирования патологических процессов, Кутаиси, 1980.
